

Na osnovu člana 4. Odluke o uslovima, načinu kandidiranja, održavanju izbora, dodjeli mandata u mjesnim zajednicama i razrješenju predsjednika i članova Savjeta mjesnih zajednica („Službene novine Kantona Sarajevo“, broj 17/19) i tačke III Odluke o raspisivanju izbora u mjesnim zajednicama na području općine Ilijaš („Službene novine Kantona Sarajevo“, broj 24/23), Općinska izborna komisija Ilijaš, na 4. sjednici održanoj dana 02. 06. 2023. godine, donijela je

## **ODLUKU**

### **o održavanju izbora u mjesnim zajednicama na području općine Ilijaš**

#### **Član 1.**

U skladu sa Odlukom o raspisivanju izbora u mjesnim zajednicama na području općine Ilijaš („Službene novine Kantona Sarajevo“, broj 24/23), Izbori će biti održani u svim mjesnim zajednicama na području općine Ilijaš u nedjelju, 18. juna 2023. godine, u vremenu od 9:00 do 19:00 sati.

#### **Član 2.**

U savjete mjesnih zajednica sa područja općine Ilijaš bira se sljedeći broj članova:

1. Mjesna zajednica Dragoradi - bira se 5 članova savjeta,
2. Mjesna zajednica Gajevi - bira se 5 članova savjeta,
3. Mjesna zajednica Kamenica - bira se 5 članova savjeta,
4. Mjesna zajednica Srednje - bira se 5 članova savjeta,
5. Mjesna zajednica Ljubina - bira se 5 članova savjeta,
6. Mjesna zajednica Malešići - bira se 5 članova savjeta,
7. Mjesna zajednica Ilijaš Stari - bira se 5 članova savjeta,
8. Mjesna zajednica Ilijaš Grad - bira se 5 članova savjeta,
9. Mjesna zajednica Luka - bira se 5 članova savjeta,
10. Mjesna zajednica Misoča - bira se 5 članova savjeta,
11. Mjesna zajednica Mrakovo - bira se 5 članova savjeta,
12. Mjesna zajednica Podlugovi - bira se 5 članova savjeta,
13. Mjesna zajednica Ljubnići - bira se 5 članova savjeta,
14. Mjesna zajednica Lješevu - bira se 5 članova savjeta.

#### **Član 3.**

Izbore za savjete mjesnih zajednica sprovodi Općinska izborna komisija Ilijaš i birački odbori u skladu sa odgovarajućim odredbama Izbornog zakona Bosne i Hercegovine („Službeni glasnik Bosne i Hercegovine“, br. 23/01, 7/02, 9/02, 20/02, 25/02-ispr., 4/04, 20/04, 25/05, 77/05, 11/06, 24/06, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), Statuta Općine Ilijaš („Službene novine Kantona Sarajevo“, br. 20/09 - Prečišćeni tekst i 46/18), Odluke o osnivanju mjesnih zajednica na području općine Ilijaš („Službene novine Kantona Sarajevo“, br. 32/05, 38/05-ispr., 5/10 i 17/19) i Odluke o uslovima, načinu kandidiranja, održavanja izbora, dodjeli mandata u mjesnim zajednicama i razrješenju Predsjednika i članova Savjeta mjesnih zajednica („Službene novine Kantona Sarajevo“, br. 17/19 i 24/23).

#### **Član 4.**

Birački odbori su sastavljeni od predsjednika Biračkog odbora i dva člana Biračkog odbora.

Birački odbor neposredno rukovodi radom na biračkom mjestu i odgovoran je za pravilnost glasanja, brojanja, utvrđivanja i evidentiranja rezultata glasanja.

Rješenje o imenovanju Biračkih odbora dostavlja se svim subjektima/listama koji učestvuju na izborima, oglašavaju se na oglasnim pločama svih mjesnih zajednica, oglasnoj ploči Općine Ilijaš, web stranici Općine Ilijaš, kao i putem Radio Ilijaša.

#### **Član 5.**

Lokacije biračkih mjesta Općinska izborna komisija objavljuje najkasnije sedam (7) dana prije dana održavanja izbora, na oglasnoj ploči svih mjesnih zajednica, na oglasnoj ploči Općine Ilijaš, na web stranici Općine Ilijaš, kao i putem Radio Ilijaša.

#### **Član 6.**

Kandidaturu za predsjednika i članove Savjeta mjesne zajednice mogu podnijeti grupe građana, političke partije i udruženja građana. Kandidature se vrše na način formiranja Liste kandidata od po pet kandidata od kojih je kandidat pod rednim brojem jedan (1) istovremeno i kandidat za predsjednika Savjeta mjesne zajednice, a ostali kandidati su kandidati za članove Savjeta mjesne zajednice.

Lista mora biti sastavljena na način da bude predložen minimalno po jedan kandidat za svaku podružnicu koja je sastavni dio mjesne zajednice za koju se provode izbori.

Prilikom predlaganja kandidata za članove Savjeta mjesne zajednice, potrebno je voditi računa da sastav Liste približno odražava nacionalnu strukturu, zastupljenost spolova i mladih.

#### **Član 7.**

Liste i kandidature za članove Savjeta mjesne zajednice podnose se najkasnije do četvrtka, 08. 06. 2023. godine, do 15h, lično u sjedištu Općinske izborne komisije (ul. 126. ilijaške brigade br. 6, III sprat, zgrada Općine Ilijaš) na propisanim obrascima.

Liste se dostavljaju Općinskoj izbornoj komisiji pojedinačno za svaku mjesnu zajednicu. Uz Listu se dostavljaju i ovjerene pismene izjave svih pet (5) kandidata o prihvatanju kandidature, sa minimalno dvadeset (20) potpisa podrške građana sa područja mjesne zajednice za koju se provode izbori.

#### **Član 8.**

Općinska izborna komisija ovjerava kandidaturu za svaku Listu i istu numeričke arapskim brojevima.

Nespojiva je funkcija predsjednika i člana Savjeta mjesne zajednice sa funkcijom vijećnika u Općinskom vijeću Ilijaš.

Lista će biti odbijena ako jedan ili više kandidata na listi:

- nema prebivalište na području mjesne zajednice, odnosno nije upisan u Centralni birački spisak za ulice ili naselja koja pripadaju mjesnoj zajednici za koje je kandidovan;
- kandidat na listi mora imati prebivalište na području mjesne zajednice za koju se kandiduje najmanje šest mjeseci prije donošenja ove Odluke, što dokazuje uvjerenjem o kretanju (ne starijim od dana donošenja ove Odluke) i Izjavom kandidata da živi na području podružnice mjesne zajednice za koju se kandiduje (ovjerenom od strane nadležnog općinskog organa za ovjeru);
- ako nije priložena pismena izjava kandidata o prihvatanju kandidature ovjerena od strane nadležnog općinskog organa za ovjeru;
- ukoliko ne sadrži potrebnu podršku potpisa najmanje 20 građana sa područja mjesne zajednice za koju se provode izbori,
- ukoliko se na Listi nalazi ime Općinskog vijećnika, a da istovremeno nije priložena ostavka na funkciju Općinskog vijećnika ovjerena od strane Centralne izborne Komisije Bosne i Hercegovine,
- ukoliko lista ima manji ili veći broj kandidata od broja pet (5).

### Član 9.

Općinska izborna komisija utvrđuje konačne Liste kandidata za članove Savjeta mjesne zajednice za svaku mjesnu zajednicu, najkasnije u roku od sedam (7) dana prije dana održavanja izbora.

Redoslijed Listi na glasačkom listiću za svaku mjesnu zajednicu utvrđuje se žrijebanjem koje će provesti Općinska izborna komisija u subotu, 10. 06. 2023. godine, u 10h, u sali Općinskog vijeća Ilijaš, uz mogućnost prisustva po jednog (1) predstavnika Liste.

### Član 10.

Sve Liste koje učestvuju na izborima za Predsjednike i članove Savjeta mjesnih zajednica mogu podnijeti zahtjev za akreditovanje po jednog posmatrača za praćenje izbornih aktivnosti na biračkom mjestu za koje se lista prijavljuje, najkasnije do 13. 06. 2023. godine do 15h.

Akreditovanje posmatrača vrši Općinska izborna komisija najkasnije 5 (pet) dana prije dana održavanja izbora.

### Član 11.

U mjesnim zajednicama predsjednici i članovi Savjeta mjesnih zajednica biraju se neposrednim tajnim glasanjem putem glasačkih listića. Glasački listići se štampaju na listu papira A4 formata bijele boje, na kojem je otisnut pečat Općinskog vijeća.

Za potrebe provođenja izbora odštampat će se 50% listića za svaku mjesnu zajednicu od ukupnog broja birača upisanih u izvod iz Centralnog biračkog spiska.

Dan prije izbora Općinska izborna komisija dostavlja Biračkim odborima birački materijal koji uključuje odgovarajući broj glasačkih listića, glasačke kutije i izvod iz biračkog spiska.

U slučaju da svi glasački listići za područja mjesne zajednice budu upotrebljeni na dan izbora, na pismeni zahtjev biračkog odbora, a uz mogućnost prisustva posmatrača, izvršit će se doštampavanje i ovjera dodatnog broja glasačkih listića i dostavit će se Biračkim odborima.

Biračka mjesta će biti otvorena za glasanje u periodu od 09:00 h do 19:00 h, osim ako je dolazilo do prekida glasanja na biračkom mjestu (dodatne upute daje Općinska izborna komisija).

Glasanje se vrši upisivanjem znaka X u kvadratić ispred Liste pri čemu glasač može glasati samo za jednu ponuđenu listu.

### Član 12.

Ova Odluka stupa na snagu danom donošenja i ista će biti objavljena na Oglasnoj ploči Općine Ilijaš, oglasnoj ploči svih mjesnih zajednica na području općine Ilijaš, web stranici Općine Ilijaš, kao i putem Radio Ilijaša.

Broj: 01/1-02-55/23OIK  
Ilijaš, 02. 06. 2023. godine

Predsjednik Općinske izborne komisije Ilijaš

Mr.sc. [redacted], dipl. ing.

